

勸上堂文

Хул 1936

О необходимости
посещения храма
Божия.

Шкафъ III

Пекинъ
1880.

№ 19968 1934

舊上堂文
一
懇摯向主之勤主烏能不厚施其寵佑乎
足見家中一人獨祈固能獲福究不如堂
中互相公禱尤易見功也夫聖堂乃福樂
寶藏內存養靈之糧醫靈之藥不難恣意
取攜又係生命淵源內涵機密諸事救贖
諸恩可以隨時注飲故人以上堂爲虛行
故事或貪得利名不顧主之規戒譴責已
則以上堂爲表獻熱衷且自盡本分不畏

人之誘阻譏談若同道以上堂爲戲娛當
追述古聖有益言行相勸戒若良朋以上
堂相督迫勿妄謂今日無關緊要而支吾
勿托昏擾不往上堂則昏擾自清勿藉憂
病相寬上堂則憂病自去實以上堂爲得
寵福未得則決不肯離已得則愈不容已
倘遇要事相關身不暇至而心向往切毋
閒游是妖身雖強行而心放馳不可先勤

後倦懈惰而棄前功不可時止時行間斷而隨意便在家或事物來前未免作輟無常在堂則威嚴在上何敢委靡相安在家或一人獨處未免苟且自欺在堂則廣眾觀瞻何容因循致悞况在堂則目覩聖像之森嚴偕跪拜而體肅神怡耳聽頌聲之悽切望親朋而情聯氣靜繹賞善之經文足以感發善心警罰惡之誠命足以懲創

惡念迨見敬主者身心舒坦卽當感慕而思齊見不敬者氣象卑微卽當驚憂而內省不得外貌恭而內念粗疎亦不得內心切而外形佻倚須令精神警醒否則形同醉夢講道理時聽如未聽須使念慮純專否則偶共閒談行禮儀時見若未見藉燭光之普照眞如天主鑒觀洞澈我善惡凡平素邪魔所誘感消滅無形乘香烟之上

升真如聖神陟降，糾察我偽誠。凡當時私
念之隱藏，絲毫盡露，當聖體之領，侍神父
前，如侍機密筵上，受主恩膏，當聖像之親
立祭臺下，如立十字架旁，蒙主救贖，歷觀
聖物備陳，恍若天主在臺上，爲眾受難，斯
感謝易生，默聽禱詞，朗頌，直如神父覲主
面，爲眾代祈，斯敬畏倍至，無奈近日無知
之人，或因無利而退縮，或因小事而遺忘，

則其善心定無增長，惡念必至滋生，故於
誦經講道之期，凡誠信之教友，宜約會同
赴聖堂，警惕於天主前，互相勸勉，則其所
思所言所行，自必日覺清潔，其一切浮來
之惡境，尙何能誘感我耶。

